

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- गृह मंत्री अमित शाह होरें आखेआ ऐ जे दफा 370 हटाए जाने दे बाद जम्मू-कश्मीर च आतंकवाद च 70 फीसद कोला मती कमी आई ऐ। उनें आखेआ जे सरकार खित्ते दे इतिहास ते संस्कृति च नमें सिरेया जान भरा करदी ऐ।
- मुख्यमंत्री ओमर अब्दुल्ला होरें आखेआ ऐ जे जम्मू-कश्मीर गी पूरे ब'रे आहली इक प्रमुख सैलानी थाहर बनाने दी दिशा च जतन कीते जा'रदे न।
- मुख सचिव अटल डुल्लु होरें प्रदेश च बक्ख-बक्ख जरनैली सिङ्कें दे निर्माण च हासल प्रगति दा जायजा लैता ते कम्में गी तौले सबूरा करने दे निर्देश जारी कीते।
- जम्मू दे डिवीजनल कमिशनर ते अतिरिक्त पुलस महानिदेशक होरें औंदे गणतंत्र दिवस समारोह लेई तैयारिएं दा कल जायजा लैता।
- खेड्डें च शानदार जोगदान लेई कटड़ा दे बसनीक पैरा-तीरअंदाज रकेश कुमार अर्जुन पुरस्कार कन्नै सम्मानित।

<><><><><><>

Amit Shah

केंद्रीय गृहमंत्री अमित शाह होरें आखेआ ऐ जे नरेन्द्र मोदी सरकार नै जम्मू कश्मीर च नां छडा आतंकवाद गी काबू च कीता ऐ सगुआं घाटी च आतंक दे पूरे पराते तंत्र गी बी तबाह कीता ऐ। शाह होरें नमी दिल्ली च इक कताब "जम्मू कश्मीर एंड लद्दाख - थ्रो द एजेज" दा विमोचन करदे होई आखेआ जे जम्मू कश्मीर सोयां अगस्तर 2019 च दफा 370 गी हटाने मगरा आतंकी गतिविधियें च टकोदी कमी दिखी गई ऐ। उने दस्सेआ जे इसदे मगरा था आतंकी गतिविधियें च 70 फीसद दी कमी आई ऐ....बाईट

गृहमंत्री होरें अगगे आखेआ जे सरकार जम्मू कश्मीर दे इतिहास ते सांस्कृतिक विरासत च नमें सिरिया जान भरने लेई बरोबर जतन करा करदी ऐ। उनें आखेआ जे जेहड़ा किश बी असें मोआई ओड़े दा ऐ, उसी अस तौले गै वापस हासल करगे। गृहमंत्री होरें दृढ़ता कन्नै आखेआ जे जम्मू कश्मीर भारत दा अनट्रुट हिस्सा रौहग ते ऐसा कोई बी कनून नेई बने दा जेहड़ा इस सरबंदे च कोई रद्दाबदल करी सकै.....

इस मौके पर केन्द्री शिक्षा मंत्री धमेन्द्र प्रधान होर बी मजूद हे।

<><><><><><>

CM-Tourism

मुख्यमंत्री उमर अब्दुल्ला होरें आखेआ ऐ जे जम्मू कश्मीर गी पूरे ब'रे आली सैलानी थाहर बनाने लेई पूरे जतन कीते जा करदे न। मुख्यमंत्री होरें एह गल्ल उस बेल्लै कीती जिसलै ओह पहलगाम च विंटर कैनीवाल दा उद्घाटनकरियै मीडिया कर्मिण कन्नै मुखातब होआ करदे हे। जम्मू कश्मीर दा कुदरती शलैपा ते सांस्कृतिक समृद्धि पर लोह पांदे होई मुख्यमंत्री होरें आखेआ जे इयै नेह कार्यक्रमें दा पर्यटन गी बढ़ावा देने पिच्छे बड़डा महत्व ऐ

तोआई कल श्रीनगर च मीडिया कन्नै गल्ल करदे होई उमर अब्दुल्ला होरें मेद जाहर कीती ऐ जे जम्मू कश्मीर दा केन्द्र शासत प्रदेश दा दर्जा अस्थाई दौर ऐ ते केन्द्र सरकार राज्य दा दर्जा तौले ब्हाल करने दे अपने वादे गी पूरा करोग.....

<><><><><><>

CS Highway Meeting

मुख्य सचिव अटल डुल्लु होरें जम्मू-कश्मीर दे सब्बन जिलें च बक्ख-बक्ख जरनैली सिड़कें दे निर्माण पर हासल प्रगति दा जायजा लैने लेई एनएचएआई, एनएचआईडीसीएल, बीआरओ, बीकन ते प्रोजेक्ट संपर्क दे अधिकारिण कन्नै इक बैठक लाई। इस मौके पर उनें अधिकारिण गी निर्देश दित्ता जे ओह कम्में गी बेल्ले सिर सबूरा करोआना, परियोजनाएं च आवै करदी रुकावटें गी दूर करना ते तय समें-सीमा दे अंदर कम्में गी तोढ़ चाढ़ना जकीनी बनान। राश्ट्री जरनैली सिड़कें सरबंधी भारती प्राधिकरण – एनएचएआई दे जेहड़े मुख्य प्रोजेक्टें पर बैठक दरान चर्चा कीती गई उंदे च दिल्ली-अमृतसर-कटरा एक्सप्रेस वे दे बक्ख-बक्ख हिस्से, रिंग रोड जम्मू पर जारी सुरंग दा निर्माण, उधमपुर-रामबन सैक्शन पर धलवास ते कैफटेरिया मोड़ सने बक्ख-बक्ख सुरंगें ते लौहके पुलें सरबंधी कम्म शामिल हे। इ'ने कम्में गी तोढ़ चाढा करदी बक्ख-बक्ख एजेंसिण ते जिला प्रशासनें बश्कार तालमेल दी जरूरतै पर बैठक दरान टकोहदा जोर दित्ता गेआ।

<><><><><><>

DC Jammu Meetings

जम्मू दे डिप्टी कमिशनर सचिन कुमार वैश्य होरें कल जम्मू च राई—बाई खेत्तर च गी बढावा देने लेई द'ऊं बैठकां लाइयां। इ'नें बैठकें दरान जिले च किसान खिदम घरें च हासल प्रगति दी समीक्षा दे कन्नो—कन्नी लसैंस जारी करने सरबंधी मामले, लैन—देन ते औंदन वगैरा पर मुख् करी ध्यान केन्द्रित कीता गेआ ते इंदा मकसद करसानें गी उपलब्ध करोआई जाने आहली सेवाएं दी असरदार ढंग्गै सिर दस्तयाबी जकीनी बनाना हा। ध्यानजोग ऐ जे पैहले गेड़ दे तैहत् हून 100 किसान खिदमत घरें गी चालू करी दित्ता गेदा ऐ ते एह् केन्द्र पंचैती सतह उप्पर राई—बाई सरबंधी सेवाएं दी दस्तयाबी करोआने च अहम भूमिका निभा करदे न। डिप्टी कमिशनर होरें राई—बाई खेत्तर दे पूरे—पराते विकास सरबंधी जिला स्तरी कमेटी दी बी इक बैठक लाई जेह्दे च उनें सब्बनें सरबंधत धड़ें गी गुजारिश कीती जे ओह् मते शा मते करसानें दा दिल बधान तांजे ओह् इस कार्यक्रम दे लाह् हासल करी सकन।

<><><><><><>

IIA Jammu

भारती वास्तुकार संस्थान आईआईए दे जम्मू कश्मीर चप्टर आसेआ इक बारी फही ईमारती समेयान दी नमैश आहले कार्यक्रम दा आयोजन कीता जा करदा ऐ। इस चाल्ली दी एह् 11मीं पैहलकदमी होग जेह्दी शुरुआत अज्जै थमां होआ करदी ऐ। इस नमैश च तकरीबन 70 स्टाल होंगन जिंदे च बक्ख—बक्ख चाल्ली दे समेयानें दा प्रदर्शन कीता जाह्ग ते एह नमैश 6 जनवरी तोड़ी जारी रौह्ग। एह्दे च सब्बनें आस्तै प्रवेश मुफ्त होग। आई. आई.ए दा जम्मू—कश्मीर चैप्टर केन्द्र शासित प्रदेश च वास्तुशिल्प पेशे गी बढावा देने आस्तै बड़ा मता जोगदान देआ'रदा ऐ ते इस्सै गैह् दे तैहत् निर्माण उद्योग कन्नै जुड़े दे सब्बनें सरबंधत धड़ें गी इक सांझे मंच पर आह्नेने दी पैहलकदमी कीती जा करदी ऐ।

<><><><><><>

Div Com ADGP RD

जम्मू दे डिवीजनल कमिशनर रमेश कुमार ते अतिरिक्त पुलस महानिदेशक आनंद जैन होरें केन्द्र शासित प्रदेश स्तर पर आयोजित होने आहले गणतंत्र दिवस समारोह लेई तैयारिएं दा कल इक बैठक दरान जायजा लैता। इस मौके पर गणतंत्र दिवस दी परेड दरान कड़डी जाने आहली झांकिएं ते आम लोकें दे कल्याण लेई सरकारी योजनाएं पर मुख् करियै ध्यान केन्द्रित कीता गेआ। गणतंत्र दिवस दी परेड दरान पुलस, सेहत, संस्कृति ते सैह्कारिता विभागें आसेआ बक्ख—बक्ख विशें जि'आं नशीले पदार्थें दी रोकथाम सरबंधी जतनें, टीबी मुक्त भारत सरबंधी पैहलकदमिएं, सांस्कृतिक बन्न—सबन्नता ते स्वच्छ भारत ते फिट इंडिया ज्नेय राश्ट्री अभियानें पर आधारित झांकियां कड़िडयां जाडन।

डिवीजनल कमिशनर होरें मैहकमें गी निर्देश दित्ता जे ओह औंदी 20 जनवरी शा पैहले अपनी झाकिएं गी मुक्कदा रूप देई देन। बक्ख-बक्ख मैहकमें ते एजेंसिएं बश्कार तेलमेल बारें बी बैठक दरान टकोह्दे तौर पर चर्चा कीती गई।

<><><><><><>

Arjun Awards

मन्ने परमन्ने दे पैरा तीरंदाज राकेश गी अर्जुन पुरस्कार थोने दी धोशणा परेंत कअरे दे बसनीक बड़ा गौरवान्वित मसूस करा करदे न। राकेश गी एह पुरस्कार उंदी असाधारण कामयाबिएं ते अपने खेउड़ें लेई अनकथ समर्पण आस्तै दित्ता जा करदा ऐ।

<><><><><><>

DC Udhampur Tributes

उधमपुर दिएं डिप्टी कमिशनर सलोनी राय होरें शौर्य चक्र कन्नै सम्मानित शहीद राज कुमार होरें'गी उंदी पुन्नतिथि पर श्रद्धांजलि अर्पित कीती ऐ। शहीद राज कुमार होरें 2 जनवरी 2004 गी देसै लेई सर्वोच्च बलिदान दित्ता हा ते उंदे शहीदी ध्याड़े दे मौके पर कल पुलस शहीदी स्मारक दोमेल च इक श्रद्धांजलि कार्यक्रम दा सरिस्ता कीता गेआ। कार्यक्रम दरान डिप्टी कमिशनर होरें शहीद राज कुमार हुंदे स्मारक पर पुष्पांजलि अर्पित कीती ते उंदी दलेरी ते जज्बे गी चेतता कीता। इस मौके पर शहीद राज कुमार हुंदे माता-पिता बी उत्थे मजूद हे। इस सरबंधै च अपने विचार सांझे करदे होई डिप्टी कमिशनर सलोनी राय होरें आखेआ

<><><><><><>

Weather

मौसम विभाग नै जम्मू-कश्मीर च औंदी 5 ते 6 जनवरी गी मौसम सरबंधी येलो-अलर्ट आहली चेतावनी जारी करदे होई आखेआ ऐ जे इस दरान बक्ख-बक्ख थाहरें पर भारी बरखा ते बर्फबारी होई सकदी ऐ। आकाशवाणी दे जम्मू संवाददाता मूजब, स्थानीय मौसम विभाग दी चेतावनी च प्रदेश दे केई हिस्सें च भारी बरखा बरने ते बर्फबारी दे असार दस्से गे न। इस अवधि दरान, उच्चिएं धारें पर बर्फू दे ल्हास-तोदे पौने ते मुख सिङ्कें पर गडिङ्गं दी आओजाई प्रभावित होने दी शँका बी जताई गई ऐ।

<><><><><><>